



Zarautzen, 2014ko irailaren 19ean

Alkate jaun agurgarriari zuzenduta:

GAIA

Udal Gobernu eta web orriak

ZIOA

Legealdia hasi zenetik, Udal Gobernuak hainbat web orri eta sare sozialetako perfil sortu ditu Udalaren web orri ofizialetik kanpo: Zuzarautz, Ehuntzen, Berdintasuna, Sortaldea, parke estaliaren ingurukoa... Joera honek ez du aurrekaririk Zarauzko Udalan, eta gure ustez arrisku handia dauka eta ziurgabetasun juridikoa sor dezake. Ez dakigu zein den web orri horien guztien kudeatzaile eta administratzailea.

Bestalde, web orri horietako batzuk, herritar guztiak zerbitzatu eta ordezkatu beharrean, irizpide alderdikoi eta propagandistikoekin erabiltzen direla ikusten ari gara, benetako komunikazio tresna izan beharrean. Ehuntzen adibide bat da, baina Zuzarautzek ere merezi du aipamen berezirik.

Hala, EAJ-PNVren Udal taldeak bere kezka eta haserrea azaldu nahi du Udalaren Zuzarautz.info plataformak hartu duen norabidea dela-eta. Web orrian ez dira gure alderdiarekin harremana duten albisteak argitaratzen, 'Loturak' atalean. Hasieran arazoa webgunearen eguneratzen falta izan zitekeela uste izan genuen. Gero ikusi genuen berriz ere webgunea eguneratzen hasi zela, eta berriz ere ez dela agertzen gure alderdiaren informazioa. Honezkero hau gehiegitan gertatu da, kasualitatea edo deskuidoa dela pentsatzeko. Udal Gobernuak erabakia hartu du zentsura prebentiboa ezartzeko eta hori oso larria da.

Gogoratu behar dugu Zuzarautz.info herritarrei, Zarauzko eragileei eta sentsibilitate politiko eta sozial desberdinei ate bat irekitza zuela helburu, aniztasunetik abiatuta. Guztiei kabida ematea zen proiektuaren muinean zegoena. Tamalez, oso kontrako bidea hartu du azken bolada luzean. Bilduren Udal Gobernu interes propagandistikoekin erabiltzen ari da nagusiki zarautzar guztiona den, edo izan beharko lukeen gune bat. Udalak bultzatutako ekimena izanik, izan ere, zarautzarrona eta Udala osatzen dugun guztiona baita.

Gardentasuna eta irekitasuna alde batera utzi ditu Udal Gobernuak, ordea, eta kontzienteki ari da batzuen albisteak publikatzen eta besteak baztertzen, bere interes politikoen arabera. Jatorrian ideia polita zena zeharo okertu da.

Guzti hori dela-eta,

MOZIOA

1. Udal Gobernuari eskatzen diogu Udal ekimen eta jardueri lotutako web orri guztiak Udalaren web orri ofizialaren atarkepean egoteko.

2. Udal Gobernuari eskatzen diogu Udalari lotutako web orriak eta Zuzarautz.info betetzen ari diren paperaren inguruan azterketa zorrotza eta hausnarketa sakona egitea, besteak beste gai hauek kontuan hartuz:

– Zer nolako irizpideak erabiltzen diren albisteak argitaratzeko. Sentsibiltate politiko guztiek egon behar dute ordezkatura.

– Zenbateraino bete diren hasieran ezarritako helburuak: irakurle kopurua, erabiltzaile kopurua -instituzionalak eta ez instituzionalak-, horien ezaugarriak, herritarren artean izan duen inpaktua, aniztasuna, informazioen ezaugarriak...

– Zarauzko Udalari zer kostu ekonomikoa suposatzen dion.

Aintzat hartuko duzelakoan, har ezazue agur bero bat

Adeitasunez,

Imanol Lasa Zeberio

EAJ-PNVren Udal taldeko bozeramalea